

" মিষ্টি বাচ্চারা -- একান্তে বসে যদি এই ঈশ্বরীয় পড়া করো তাহলে খুব ভালো ধারণা হবে ,  
সকাল সকাল উঠে বিচার সাগর মন্বন করার অভ্যাসও তৈরী করো ।"

\*প্রশ্ন :- সম্পূর্ণ পাস করতে গেলে কোন্ বিষয়টি খেয়াল রাখা উচিত আর আর কোন্ খেয়ালটি মনে আসা উচিত নয় ?\*

\*উত্তর :- সম্পূর্ণ পাস করতে গেলে সর্বদা এই খেয়াল রাখা উচিত যে আমাকে রাত দিন খুব পরিশ্রম করে পড়তে হবে । নিজের অবস্থা এতো উঁচু বানাতে হবে যে বাপদাদার হৃদয় সিংহাসনে যেন বিরাজ করতে পারি । নিদ্রাজয়ী হতে হবে । সর্বদা খুশীতে থাকতে হবে । বাদবাকি এই খেয়াল যেন কখনো না আসে যে এই নাটকে বা আমাদের ভাগ্যে যা আছে তাই আমরা পাবো । এই খেয়াল তাহলে তোমাদের অমনোযোগী বানিয়ে দেয় ।\*

\*গীত :- তোমাকে পেয়ে আমরা সারা দুনিয়া পেয়ে গেছি, সারা পৃথিবী আর আকাশও পেয়ে গেছি .....\*

\*ওম্ শান্তি\* । বাচ্চারা এই গানের অর্থ বুঝেছে । বেহদের শিববাবার থেকে এখন আমাদের বেহদের বর্সা বা সম্পত্তি মিলছে । বাচ্চারা বাবার থেকে আবার বিশ্বের স্বরাজ্যের বর্সা পাচ্ছে , যেই বিশ্বের বাদশাহী তোমাদের থেকে কেউই ছিনিয়ে নিতে পারবে না । তোমরাই এই সারা বিশ্বের মালিক হতে পারবে । সেই দুনিয়ায় সীমিত কোনো কিছুই থাকবে না । এক বাবার থেকেই তোমরা এক রাজধানী নিয়ে থাকো যেখানে একজন মহারাজা আর মহারানীই রাজত্ব চালিয়ে থাকেন । এক বাবা এবং একটাই রাজধানী , যেখানে কোনো ভাগ হয় না । তোমরা জানো যে এই ভারতেই একজন মহারাজা - মহারানী অর্থাৎ লক্ষ্মী - নারায়ণের রাজধানী ছিল , যাঁরা সারা বিশ্বের উপর রাজত্ব করতেন । তাকে অদ্বৈত রাজধানী বলা হয় , যেই রাজধানী একজনই স্থাপন করেছিলেন বাচ্চাদের দ্বারা । এরপর তোমরা বাচ্চারা এই রাজত্ব ভোগ করবে । তোমরা জানো যে প্রতি ৫ হাজার বছর অন্তর তোমরা এই রাজত্ব নিয়ে থাকো । তারপর অর্ধেক কল্প সম্পূর্ণ হলে তোমরা এই রাজত্ব হারিয়ে ফেলো । তারপর বাবা এসে আবার তোমাদের এই রাজত্ব প্রাপ্ত করান । এ হল হার জিতের খেলা । মায়ার কাছে হেরে গেলে তোমাদের হার হয় , আবার বাবার শ্রীমতে চলে তোমরা রাবণের উপর জয়লাভ করতে পারো । তোমাদের মধ্যেও কেউ কেউ অনন্য নিশ্চয়বুদ্ধি সম্পন্ন আছে যারা সবসময় খুশীতে থাকে যে আমরা এই বিশ্বের মালিক হতে পারি । খ্রিস্টিয়ানরা যতই শক্তিশালী হোক , কিন্তু বিশ্বের মালিক হতে পারবে - এমন তো হয় না । এখন সব রাজ্য ছোটো ছোটো ভাগ হয়ে গেছে । প্রথমে এক ভারতই সমস্ত বিশ্বের মালিক ছিলো । দেবী - দেবতা ছাড়া আর কোনো ধর্মই ছিলো না । তোমাদের এমন বিশ্বের মালিক একমাত্র বিশ্বের রচয়িতাই বানাবেন । তোমরা দেখো , বাবা তোমাদের কিভাবে বোঝান । তোমরাও এইভাবে বোঝাতে পারো । ভারতবাসী অবশ্যই এই বিশ্বের মালিক ছিল । নিশ্চই তাদের এই বিশ্বের রচয়িতার থেকেই বর্সা বা সম্পত্তির প্রাপ্তি হয়েছিল । তারপর যখন তারা এই রাজত্ব হারিয়ে ফেলে , দুঃখী হয়ে যায় , তখনই বাবাকে স্মরণ করতে থাকে । ভক্তিমাগই হলো বাবাকে স্মরণ করার পথ । মানুষ কতো প্রকারের ভক্তি , দান - পূণ্য , জপ - তপ করে থাকে । এই পড়ার দ্বারা তোমরা যে রাজত্ব পাও তা ভোগ করার পর তোমরাই ভক্ত হয়ে

যাও । লক্ষ্মী - নারায়ণকে ভগবান ভগবতী বলা হয়। কেননা তাঁরা তো ভগবানের থেকেই এই রাজত্ব নিয়েছিলেন । কিন্তু বাবা বলেন যে তাঁদেরও ভগবান ভগবতী বলা যাবে না । এনাদের এই রাজধানী অবশ্যই স্বর্গের রচয়িতাই দিয়েছিলেন, কিন্তু কিভাবে দিয়েছিলেন -- সেই কথা কেউই জানে না । তোমরা সকলেই ভগবান বা শিববাবার সন্তান । এখন বাবা তো সকলকে রাজত্ব দেবেন না । এই নাটকও বানানো আছে । ভারতবাসীরাই এই বিশ্বের মালিক হয় । এখন হলো প্রজার ওপর প্রজার রাজ্য । এখন সকলেই নিজেকে পতিত বা ভ্রষ্টাচারী বলে মানে । তাই এই পতিত দুনিয়া থেকে পার হবার জন্য কান্ডারীকেই মানুষ স্মরণ করে যে তুমি এসে আমাদের এই বেশ্যালয় থেকে শিবালয়ে নিয়ে চলো । এক হলো নিরাকার শিবালয় বা নির্বাণধাম আর দ্বিতীয় হলো , শিববাবা যে রাজধানী স্থাপন করেন তাকেও শিবালয় বলা হয় । তখন সারা সৃষ্টিই শিবালয় হয়ে যায় । তাই সত্যযুগ হল সাকারী শিবালয় আর নির্বাণধাম হলো নিরাকারী শিবালয় । এই কথা তোমরা লিখে রাখো । বোঝানোর জন্য বাচ্চাদের কাছে অনেক পয়েন্টস আছে কিন্তু সেইসব খুব ভালোভাবে মন্বন করা উচিত । যেমন কলেজের বাচ্চারা ছোটবেলায় খুব ভোরে উঠে অধ্যয়ন করতে বসে । ভোরবেলা কেন বসে ? কারণ আত্মা সারারাত বিশ্রাম করে ফ্রেশ হয়ে যায় । একান্তে বসে পড়াশোনা করলে খুব ভালো ধারণা হয় । ভোরে ওঠার এই শখ থাকা চাই । কেউ কেউ বলে যে আমাদের ডিউটি এমনই যে ভোরে যেতে হয় । তাহলে সন্ধ্যাবেলা অভ্যাস করো । সন্ধ্যার সময়ও বলে যে দেবতার ঘুরে বেড়ায় । কুইন ভিক্টোরিয়ার উজির রাতে রাস্তার আলোর নীচে পড়াশোনা করতেন । তিনি খুব গরীব ছিলেন । পড়াশোনা করে উজির হয়েছিলেন । \*সমস্তকিছুই এই পড়ার উপর নির্ভর করে । তোমাদের তো পরমপিতা পরমাত্মা পড়ান । তোমাদের এই ব্রহ্মাবাবা পড়ান না , শ্রীকৃষ্ণও পড়ান না । নিরাকার জ্ঞানের সাগর শিববাবাই পড়ান\* । এই রচনার আদি , মধ্য এবং অন্তের জ্ঞান একমাত্র তাঁরই আছে । সত্যযুগ আর ত্রেতার অন্ত এবং দ্বাপরের আদি সময়কে মধ্য বলা হয় । এইসকল কথা বাবাই বুঝিয়ে বলেন । \*ব্রহ্মা , বিষ্ণু হয়ে ৮৪ জন্ম ভোগ করেন , তারপর আবার ব্রহ্মা হন । ব্রহ্মা কি ৮৪ জন্ম নিয়েছিলেন বা লক্ষ্মী - নারায়ণ ৮৪ জন্ম নিয়েছিলেন । কথাটা একই হয়ে যায়\* । এইসময় তোমরা হলে ব্রাহ্মণ বংশাবলী তারপর তোমরা বিষ্ণু বংশাবলী হয়ে যাবে । তারপর তোমরাই নামতে নামতে শূদ্র বংশাবলী হয়ে যাবে । এইসকল কথা তোমাদের বাবাই বসে বোঝান । তোমরা জানো যে তোমরা বেহদের বাবার থেকে তাঁর শ্রীমতে চলে বিশ্বের মহারাজা মহারানী হতে এসেছো । প্রজারাও তো বিশ্বের মালিকই হবে । এই পড়া খুব বুদ্ধিমত্তার প্রয়োজন । যত পড়বে এবং পড়াতে থাকবে তত উঁচু পদ পেতে পারবে । এ হলো বেহদের পড়া , সবাইকে এই পড়া পড়তে হবে । সবাই একজনের থেকেই এই পড়া পড়ে । তারপর নম্বরের ক্রমানুসারে কেউ কেউ খুব ভালো ধারণা করতে পারে আবার কারোর সামান্যতম ধারণাও হয় না । নম্বর হিসাবেই তো সবাইকে চাই । রাজাদের সাথে সাথে দাস দাসীদেরও চাই । দাস দাসীরাও তো মহলেই থাকবে । প্রজারা তো বাইরে থাকবে । সত্যযুগে অনেক বড় বড় মহল তৈরী হয় । অনেক জমি থাকে কিন্তু মানুষ কম । আনাজও অনেক হয় । মানুষের সব কামনাই তখন পূর্ণ হয় । পয়সার জন্য কখনো দুঃখ হয় না । "স্বর্গ" এই নাম কত বড় । একজনের মতে চলে তোমরা এই বিশ্বের মালিক হতে পারো । সেখানে বলা হবে সত্যযুগী সূর্যবংশী লক্ষ্মী - নারায়ণের রাজ্য, তারপর তাঁদের সন্তানরা সেই গদিতে বসবে । তাঁদের মালা তৈরী হয় । আট জন পাস উইথ অন্যর হয় । নয় রত্নের আংটিও পড়ে । মাঝে থাকেন বাবা , বাকি রইলো আট রত্ন, নয় রত্ন , অনেকেই (আংটিতে) পড়ে । এ হলো দেবতাদের চিহ্ন । ৯ রত্নের এই অর্থ মানুষ বোঝে না । মালাও ৯ রত্নের তৈরী হয় । খুঁটানরা হাতে মালা রাখে । ৮ রত্ন আর তার ওপরে ফুল থাকে । এ হলো যারা মুক্তিতে যাবে তাদের মালা । বাকি হলো জীবনমুক্তিতে যারা

যাবে বা প্রবৃত্তি মার্গে যারা যাবে । তাতে ফুলের সাথে সাথে যুগল দানাও অবশ্যই থাকবে । অর্থও তো বোঝাতে হবে -- সম্ভবত পোপেদেরও নম্বর অনুসারে মালা বানানো হয় । এই মালা সম্বন্ধে মানুষ তো জানেই না । বাস্তবে মালা তো এখানেই, যা সকলেই ঘুরিয়ে চলেছে । শিববাবা আর তোমরা বাচ্চারা যে পরিশ্রম করে চলেছো । এখন তোমরা যদি কাউকে বোঝাও যে মালা কার বানানো হয় তাহলে ঝট করে বুঝে যাবে । তোমাদের প্রোজেক্টর বিদেশেও যাবে তখন তো বোঝানোর জন্য সঠিক জোড়াও (যুগল) চাই । সকলে বুঝতে পারবে যে এ হলো প্রবৃত্তিমার্গ । বাবার পরিচয় সকলকে দিতে হবে , আর সৃষ্টিচক্রকেও জানতে হবে , যারা চক্রকে জানতে পারবে না , তাদের কি বলা হবে !

সত্যযুগে তোমরা সর্বগুণ সম্পন্ন , ১৬ কলা সম্পূর্ণ ছিলে .....এখন আবার নতুন করে তা হতে চলেছ । তোমরা এই পড়া পড়ে এতো উঁচু হয়েছ । \*রাধা কৃষ্ণ আলাদা আলাদা রাজধানীতে ছিলেন\* । স্বয়ম্বর হওয়ার পরে তাঁদের নাম লক্ষ্মী - নারায়ণ হয়েছিল । লক্ষ্মী - নারায়ণের কোনো ছোটবেলার ছবি দেখানো হয় না । সত্যযুগে তো কারোর স্ত্রী অকালে মারা যায় না । সম্পূর্ণ সময় পার হওয়ার পরেই তারা শরীর ত্যাগ করে । কাল্লাকাটিরও কোনো প্রয়োজন হয় না । ওই দুনিয়ার নামই হলো স্বর্গ । এইসময় আমেরিকা , রাশিয়া ইত্যাদি যে সব দেশ আছে , সবতেই এখন মায়ার জৌলুস । এই এরোপ্লেন , মোটর ইত্যাদি সবই বাবার সময়ই বেরিয়েছে । এই ১০০ বছরেই সবকিছু হয়েছে । এ সব হলো মৃগতৃষ্ণার মতো রাজ্য , একে মায়ার জৌলুস (pomp) বলা হয় । সাইন্সের জাঁকজমকও শেষের দিকের - অল্পকালের জন্য । এইসবই শেষ হয়ে যাবে । তারপর এই সবই স্বর্গে কাজে আসবে । এই মায়ার জৌলুসে যেমন খুশীও আসবে তেমনই বিনাশও হবে । এখন তোমরা শ্রীমতে চলে এই রাজত্ব নিষ্ক । এই রাজত্ব তোমাদের থেকে কেউই ছিনিয়ে নিতে পারবে না । ওই দুনিয়ায় কোনো উপদ্রবই হবে না কেননা সেখানে কোনো মায়া থাকবে না । বাবা বোঝান যে বাচ্চারা খুব ভালোভাবে পড়ো । সঙ্গে সঙ্গে বাবা এই কথাও জানেন যে সবাই আগের কল্পের মতোই পড়াশোনা করবে । আগের কল্পে যে সিন চলছিল , এখনও সেই সিনই চলছে । এই নরককে স্বর্গ বানানোর কল্যাণকারী পার্ট আগের কল্পের মতোই চলছে । বাকি যারা এই ধর্মের হবে না তাদের বুদ্ধিতে এই জ্ঞান বসবে না । বাবা যখন শিক্ষক তখন বাচ্চাদেরও শিক্ষক হতে হবে । বাচ্চারা এই পড়ানোর জন্য বিলেত পর্যন্ত গিয়েছে । দোভাষীও খুব ইঁশিয়ার চাই । পরিশ্রম তো করতেই হবে । তোমাদের ঈশ্বরীয় সন্তানদের চলন খুব মর্যাদাপূর্ণ হওয়া চাই । সত্যযুগে তোমাদের চলন খুবই উচ্চ এবং রাজকীয় হয় । \*এখানে তোমাদের ছাগ থেকে সিংহী আর বাঁদর থেকে দেবতা বানানো হয় । তাই সমস্ত বিষয়ে তোমাদের নিরহংকারিতা থাকা চাই । নিজের অহংকারকে ত্যাগ করতে হবে\* । এই কথা স্মরণে রাখতে হবে , \*"যেমন কর্ম আমরা করবো , আমাদের দেখে অন্যেরাও সেই কর্ম করবে"\* । নিজের হাতে তোমরা যদি বাসন পরিষ্কার করো তাহলে সবাই বলবে যে তোমরা কতো নিরহংকারী । সবকিছু নিজের হাতে করলে তোমাদের আরো সম্মান বাড়বে । অহংকার এলে তোমরা অন্যের মনে স্থান পাবে না । যতক্ষণ না তোমরা উচ্চ অবস্থা প্রাপ্ত করতে পারো ততক্ষণ বাবার মনে স্থান পাবে না , তাহলে সিংহাসনে কেমন করে বসবে ! তোমাদের স্থান তো নম্বর অনুসারেই হবে । যার কাছে অনেক ধন সম্পত্তি থাকে তারা ফার্স্টক্লাস মহল বানায় । তাই খুব ভালো করে পড়ে সম্পূর্ণ পাস করতে হবে , খুব ভালো পদও পেতে হবে । এমন কথা নয় যে যা নাটকে আছে অথবা ভাগ্যে আছে তাই হবে । এই খেয়াল মনে এলেই তোমরা পাস করতে পারবে না । এই ভাগ্যকে তো বাড়াতে হবে । রাতদিন খুব পরিশ্রম করে পড়তে হবে । নিদ্রাজয়ী হতে হবে । \*রাতে বিচার সাগর মন্ডন করলে তোমাদের অনেক আনন্দ হবে\* । বাবাকে কেউ কেউ বলে না যে , বাবা আমরা

এইভাবে বিচার সাগর মন্ডন করি। তখন বাবা বোঝেন যে এরা এখনো জাগ্রত হয় নি। সম্ভবত এদের পাট হলো বিচার সাগর মন্ডন করার। এক নম্বর বাচ্চা তো এরাই। বাবা অনুভব দিয়ে বলেন, বাচ্চারা ভোরে উঠে বাবার স্মরণে বসে। এমন এমন খেয়াল করো -- এই সৃষ্টিচক্র কিভাবে ঘুরতে থাকে। উঁচুর থেকে উঁচু হলেন শিববাবা তারপর সুস্মবতনবাসী ব্রহ্মা, বিষ্ণু, শংকর। তাহলে ব্রহ্মা কে? বিষ্ণুই বা কে? এমনভাবে বিচার সাগর মন্ডন করতে হবে। আচ্ছা।

মিষ্টি - মিষ্টি হারানিধি (সিকিলধে) বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত। রুহানি বাবার রুহানি বাচ্চাদের নমস্কার।

\*ধারণার জন্য মুখ্য সার\* :-

১) যে কাজ আমরা করব, আমাদের দেখে তা অন্যরা করবে, তাই প্রতিটা কর্মের উপর নজর দিতে হবে। তোমাদের সম্পূর্ণ নির্মাণ চিত্ত এবং নিরহংকারী হতে হবে। অহংকারকে শেষ করতে হবে।

২) নিজের ভাগ্যকে উঁচু বানানোর জন্য খুব ভালোভাবে এই ঈশ্বরীয় পড়া পড়তে হবে। সকাল সকাল উঠে বাবাকে স্মরণ করার শখ রাখতে হবে।

\*বরদান :- নিয়ন্ত্রণ করার শক্তির দ্বারা জীবনের যে কোনো ঝড়কে উপহার বানিয়ে নিয়ে যথার্থ যোগী হও\*।

তিনিই হলেন যথার্থ যোগী যিনি এক সেকেন্ডে নিজের বুদ্ধিকে যেখানে এবং যখন লাগাতে চান সেখানেই লাগাতে পারেন। পরিস্থিতি অস্থিরই হোক বায়ুমন্ডল তমোগুণীই হোক বা মায়া যতই গ্রাস করার চেষ্টা করুক না কেন -- এক সেকেন্ডে একাগ্র হওয়া --- এই হলো স্মরণের শক্তি। যতই ব্যর্থ সংকল্পের তুফান আসুক না কেন, নিয়ন্ত্রণ শক্তি থাকলে, এক মুহূর্তেই সেই ঝড়কে জীবনের উপহার বানিয়ে নিতে পারবে। এমন শক্তিশালী আত্মা কখনোই এমন সংকল্প আনবে না যে -- আমি চাই না কিন্তু এই কাজ হয়ে যায়।

\*স্লোগান :- যোগযুক্ত আর যুক্তিযুক্ত কর্ম যারা করে তারাই বিদ্বান প্রফ হতে পারে\*।